

建康實錄

八

建康實錄

人

古逸叢書三編之九

建康實錄（線裝二函八冊）

中華書局影印

（北京王府井大街三十六號）

新華書店北京發行所發行

浙江蕭山許賢印刷廠印刷

統一書號：一七〇一八·一四〇

定價：二二〇元

建康實錄卷第十八

梁下



后妃傳略

太祖獻皇后

高祖德皇后

太宗簡皇后

高祖丁貴妃

高祖阮脩容

孝元徐妃

太子諸王傳略



昭明太子

哀太子

愍懷太子

功臣

王茂

曹景宗

柳

蕭穎達

夏侯

蔡恭

楊公則

鄧元表

張弘

庾域

鄭紹

呂僧珍

柳惔

韋叡

范雲

江淹

後梁

中宗宣皇帝

明皇帝

力臣

蔡大寶

王操

宋如周

裴敞

岑善

后妃傳略

太祖獻皇后張氏諱尚柔范陽方城人祖惠宋濮陽太守母蕭氏即文帝從姑宋元嘉中嬪於上生長

沙宣王懿永陽昭王敷次生高祖初后嘗於室中忽見庭前菖蒲花開光紛昭灼非世所有后驚問左右左右不見后曰嘗聞見者富貴因取吞之是月生高祖將產夜后見庭中衣冠陪列焉次生衡陽王暢昭義長公主令嫔宋明帝太始七年殂於秣陵同夏里舍葬晉陵武晉縣東山天監元年五月追尊號爲獻皇后父穆之字思靖晉司空華六世孫官止交趾太守

高祖德皇后郝氏諱徽高平金鄉人祖紹宋祭酒父燁太子舍人初后之母宋文帝女尋陽公主方孕夢人告云當生貴子及生后有赤光照空后幼聰明善隸書讀史傳女工之事無不開習高祖聘焉生永興

公主玉珽永世公主玉瓘永樂公主玉環高祖在雍
州后殂於襄陽宮今年三十二高祖即位追為德皇
后后性妬忌及終化為龍入後宮井中通夢於帝或
見形光彩照灼帝體不安龍輒激水騰湧於是井上
設衣服百味祠之故帝竟不立后

案東京記皇城西南洛水北有分穀渠北隋朝有龍天三

祠俗傳梁武帝郁后性妬忌武帝初立未冊命因忿懣乃投殿庭井中衆赴井救之已化毒龍煙焰衝天人莫敢近帝悲歎久之乃冊為龍天王使井上立祠宗粉塗飾加以雜寶每有所御必厚祭之巡直西掃自梁歷陳享祀不絕陳滅乃遷其祠於京城道德寺大業初又移於此地置祠祠內有星辰日月閭羅司命五岳四瀆大龍神象蔣州沙門法濟嘗住祠中以事龍天王神濟有二豎子一善吹笙一善方響每日以朝暮作樂濟為神所感著衣鼓舞而不自覺今向此即上陽宮也

太宗簡皇后王氏諱靈賓瑯琊臨沂人祖儉后幼而
柔明叔父暕見曰吾家女師也大監十一年拜晉安

王妃生哀太子大器南郡王大連長沙公主妙契大通三年拜太子妃太清三年二月薨於永福省年四十五其年太宗即位追尊爲后葬莊陵父褰字思叔高祖受禪遷中書令高祖造愛敬寺褰莊在寺側有田八十頃晉王導賜田也從來不得遂估市評田價以還直終吳興太守

高祖丁貴妃諱令光本譙國人居襄陽妃生於樊城有神光之異紫氣滿室故以光爲名高祖臨襄州丁氏因人聞高祖納焉時年十四貴妃生有赤誌在左臂治之不滅至是無何忽失所在嘗於供養經案側焉歸若見有神人心異之高祖起義初生昭明太子

貴妃與太子留在雍州京邑平乃還京師天監元年
爲貴妃位在三夫人上居顯陽殿太子定位奏備典
章言則稱令貴嬪性不好華飾仁恕接下皆得歡心
普通七年薨年四十二太宗即位追尊穆太后父仲
遷官至兗州刺史

高祖阮脩容諱令羸本姓石會稽餘姚人初齊始安
王遙光納之敗後始入東昏宮高祖平定京師納爲
嫔女天監七年八月生元帝尋拜脩容大同六年六
月薨于江州年六十七元帝追尊文宣皇后

孝元徐妃諱昭佩東江剡人祖孝嗣太尉文忠公父
混侍中初爲湘東王妃生世子方矩益昌公主含貞

徐妃無容質帝三二年一入房妃怨之又以帝眇一目後每帝至必爲半面粧帝大怒出妃而譴死之

太子諸王傳略

昭明太子諱統字德施小字維摩高祖長子母丁貴嬪以齊中興元年生于襄陽天監元年十一月立爲太子生而聰惠三歲受孝經論語五歲徧讀諸經了義二年五月始出居東宮恒不樂高祖知之每五日一朝多便留永福省八年於壽安殿自講孝經十四年正月朔旦高祖臨軒冠太子於太極殿舊制太子着遠遊冠金蟬翠綵纓至是詔加金博太子美姿容善舉止讀書數行俱下能屬文下筆不加點宗信三

實遍覽衆經於宮中立惠義殿專爲注習之所召名僧自立三諦法義及貴妃薨水漿不入口哭不輟聲高祖使顧協宣旨戒之體素偉壯腰帶十圍至是減削過半自加元服高祖便使省萬機內外百司奏事太子精於廣斷纖髮必曉法多全宥天下稱仁接引才學討論墳籍于時東宮有書三萬餘卷文學之盛宋以來未之有也性好山水於玄圃穿渠築植更立池亭與朝士名賢游樂其中番禺侯盛軌言此中宜奏女樂太子不答徐詠左思招隱詩曰何必絲與竹山水有清音軌慙而止在東宮二十九年不蓄聲樂每雨雪使親信周行閭巷貧困之家皆有賑賕後忽

疾恐帝憂嘗自勉力及困篤不許左右啓聞四月辛

巳薨時年四十一高祖幸東宮臨哭盡哀謚曰昭明

五月庚辰葬安寧陵

案陳書兵陽王即位追尊昭明皇帝陵在建康縣北三十五里朝廷驚惋男女奔走宮門號泣

滿路所著文集二十卷古今典誥文言爲正序十卷五言詩之美者爲英華集二十卷又集文選三十一卷今皆行於世

哀太子大器字仁宗太宗嫡長子也普通四年丁酉

生大通三年封宣城王太宗即位六月立爲皇太子

大寶二年八月逆賊侯景廢太宗并害太子時年二

十八太子性寬和神用端凝在於賊中每不屬意賊

以太子有器度憚之故見害元帝追謚爲哀太子

愍懷太子方矩字德規元帝第四子也元帝承制拜

爲太子改名元良承聖元年爲皇太子魏師陷江陵

太子與元帝同被害帝追謚愍懷

陳吏部尚書姚察曰孟軻有言鷄鳴而起孳孳爲善者舜之徒也若乃布衣韋帶之士在於隴畝之間終日爲之其利亦已博矣乎暨處重明之位居正體之尊克念無怠蒸蒸以孝大舜之德其何遠之

功臣

王茂字休遠太原祁人父天生宋末爲將軍剋司徒素粲拜爲梓桐巴西二郡太守茂年數歲大父深見之曰此我家千里駒也成門戶者必此兒也及長身長八尺美容質宋昇明末起家奉朝請拜襄陽太守高祖起義私於張弘策請立和帝高祖義師下每以

茂爲前驅建康平拜領軍將軍進司空加驍騎府
儀同三司江州刺史薨年六十謚忠烈子貞嗣

曹景宗字震武新野人父欣之宋征虜將軍徐州刺
史善騎射好讀史書每讀穰苴樂毅傳輒放卷歎息
曰大丈夫當如此齊建武中爲游擊將軍高祖起義
景宗使杜思仲勸高祖迎立南康王寶融於襄陽爲
高祖前鋒累破諸城次江寧鼓噪而進至皂莢橋築
壘及建康平拜右將軍天監元年進平西將軍封竟
陵侯大破魏軍於鍾離封竟陵公拜侍中給鼓吹一
部景宗爲人自恃性躁不能沉默出行嘗欲褰車帷
慢左右輒諫以位望重人所具瞻不宜如此景宗謂

所親曰我昔在鄉里騎快馬如龍與少年輩數十騎
馳騁拓弓作霹靂怒發箭如飢鷄叫平澤中逐麋鹿
射之渴飲血飢食肉覺耳後風生臯頭火出此樂使
人忘死不知老之將至今來楊州作貴人動靜不得
路行欲開車慢小人輒言須開置向車中如三日新
婦悵悵使人無氣也七年遷安南將軍江州刺史赴
任卒於道謚壯子皎嗣

柳慶遠字文和河東解人伯父元景宋太尉慶遠累
仕至齊初爲魏興太守左轉襄陽令高祖臨雍州以
綱紀辟爲別駕從事慶遠謂所親曰方今天下將亂
英雄必起庶人定霸其吾君乎因盡心協贊及兵

起居帷幄爲謀主從軍東下身先士卒建康人爲
侍中高祖受禪封雲安侯征虜將軍雍州刺史上餞
之新亭高祖謂曰卿當衣錦還鄉朕亦無西顧之憂
矣卒於官子津嗣初從父兄衛將軍世隆謂慶遠曰
吾夢太尉以褥席見賜吾亞台司適又夢吾以褥席
與汝汝必光我門族至是慶遠亦繼世隆焉

蕭穎達蘭陵人齊光祿大夫赤斧第五子少好勇爲
西中郎外兵叅軍高祖起義立和帝於江陵以穎達
爲冠軍隨高祖東下高祖受禪爲前將軍丹陽尹九
年遷衛將軍卒年三十四詔給東園祕器

夏侯詳字叔業譙國人年十六喪父廬於墓側嘗有

三足雀來集廬戶間。關太守房琰召補主簿。宋明
帝太始年初。琰以兵部郎中使劉勔兵圍之。詳爲琰
出說。劉勔勔退。舍琰遂出降。累遷至西中郎司馬。新
興太守高祖起義。西臺建以詳爲中領軍。九國大事
多決於詳。高祖圍郢城。未下。詳獻策略曰。量我衆力
度賊糒糧。窺彼人情。觀之形勢。若使賊衆食少。故宜
計月討之。若食多。力寬。宜悉衆攻之。若使糧力俱足。
非國守所屈。便宜散金實反間。使彼智者不用。愚者
日進。此魏武所以定大業也。天監元年。高祖徵爲
侍中。封豐城縣公。尋進湘州刺史。尚書僕射。金紫
光祿大夫。卒年七十四。先是。荊州城局參軍。士瞻